



UNIVERSITÄTS-  
BIBLIOTHEK  
PADERBORN

## **Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 3. Desumpta ex cap. 28. lib. Genes. in quo describitur Mystica  
Scalæ Visio peregrinantis Jacobi, Benedictio & Votum.

---

[urn:nbn:de:hbz:466:1-61252](#)

rat, quæ animam non solum in multas partes divideret, sed crudelissimis dentibus laniaret. Dionysius Siciliæ tyrannus priusquam hostes suos è medio tolleret, eorum fortunas æmulis transcriptit, ut invidiâ acrius, quam ipsâ morte torquerentur. Audierat Saul hanc puellarum cantilenam: *Percussit Saul mille & David decem millia, & invidiâ correptus, quidquid gloriae de prostrato Goliath Davidi accesserat, quasi violenter sibi detractum ratus, irâ inflammari, torvis oculis generum intueri, quin etiam de ipsius cæde jam consilia agitare incipit.* Non sapiebant amplius cibi, non musica aures recreabat: sed livore & bile ebrius, integras noctes insomnes duxit, ægrè trahens spiritum, crebris suspiriis interceptum. Miserrimum invidi hujs statum perpendens S. Hieron. in c. 13. lib. 3. Reg. ait: *Cur Saul irascis, & laus patriæ Salvatoris tibi displicet? jam cum tigre nobis sermo est non cum homine: & qui tigris invidiâ evaserat, mores illius imitabatur in cantu fæminarum.* Sicut ergo tigres musicō concentu in furias agi solent, & si non habeant aliud, quod lacerent, in propria viscera stringunt unguis: ita Saul auditâ Davidis laude; cùm cum hastâ lædere non posset, se ipsum macie conficere coepit paulò post lanceâ interemptus. Concludo hanc Doctrinam verbis S. Augustini Serm. 83. de temp. dicentis: *Consideret unusquisque conscientiam suam: & si videt prosperitate proximi sui se invidia veneno percussum, evellat de peccatore suo spinas & tribulos, ut eo semen Domini, quasi in fertili agro multiplicatâ segete luminis concipiatur, ut amaritudo invidiae Christi dulcedine leniatur.*

Cæterum sicut Jacob non potens vocem suam mutare, quæ ab intrinseco provenit, sed tantum mutare valens externam manuum speciem, meritò sibi timere debuit de futura parentis maledictione: ita timeat maledictionem Christi Christianus homo, qui cernens proximi fortunam, ei quidem applaudit signis externis, fovendô interim in mente livorem & invidiam.

### Doctrina 3.

*Desumpta ex cap. 28. lib. Genes. in quo describitur Mystica Scala Visio per regrinxantis Jacobi, Benedictio & Votum.*

*Considera I.* **Q**uod Electi piique homines à reprobis & impiis persecutionem patientes, gerere se debeant instar Jacobi,

G 2

bi,

bí, qui auditó matris & patris, fugam suadentium, consiliō, abiit è paterna domo in Mesopotamiam. Haud secùs illi persecutionis tempore per suspiria & servidas preces iter arripiant in cœlum , rogandô Deum: ut ipsis patientiam uxoris locô conjugat, ad generandum ex ea multorum meritorum proles. Nihil enim utilius, ait Russinus Presbyter in Psal. 60. potest facere servus Dei, quem necesse est in hac vita pati, quam orare. Est enim oratio mystica illa scala, quæ se spectandam dedit Jacobo dormienti, & per quam descendentes vident Angelos, ad ferenda auxilia à Deo missos. Est brachium illud per quod instar Jacobi per totam noctem hujus vitæ colluctamur Deo, non dimittendô eum , donec benedixerit nobis. Est clamor ille Israëliticus, qui durâ servitute pressos, & extremam persecutionem à Pharaone passos, libertati restituit. Est cithara illa Davidis, quæ spiritus infernales in fugam abegit. Est ros ille cœlestis , qui fornacis Babyloniaz flamas & incendia extinxit. Dic quæso Christiane Lector : an aliqua necessitas in terris unquam reperta , quæ per ipsam non fuerit sublevata ? fugitivus ex Ægypto populus gravi ciborum penuria in deserto cœperat vexari: Sed enī petierunt, & pane cœli saturavit eos: dum angelicis coctum manibūs manna in castra eorum cecidit. Devoratus ab immani ceto Jonas sibi haud dubiè moriendum credebat, sed oravit Jonas ad Dominum Deum suum de ventre ceti, & incolumis evasit. Oravit Abraham, & in decrepita ætate filium impetravit. Oravit Joseph à fratribus venditus , ab Hero suo in carcerem compactus, sed libertatem cum grandi Pro- Regis Titulo obtinuit. Oravit Moyses, & contra se assurgentem Abimelech stravit , aut in fugam abegit. Oravit sterilis Anna, & Prophetæ celeberrimi effecta est mater. Oravit Sara, & Asmodæum superavit. Oravit Esther, & populum suum jam ad mortem damnatum liberavit. Oravit Judith, & de Holoferne Victrix sola Bethuliam in tuto posuit. Oravit Daniel, & famelicos Leonum dentes compescuit. Oravit demum Ecclesia ( ut innumera præteream exempla ) pro libertate Petri , & quantocius adfuit angelus, qui eductum de carcere neci eripuit. Liceat ergo mihi cum Augustino tract. de mis. to. 10. exclamare ; quid est oratione præclarus ? quid vita nostræ utilius.

N.45. Considera 2. Quod si Deus tantum Cultum & Reverentiam voluerit impendi loco, quem in hac visione spectandum dederat Jacobo, quantum cultum & reverentiam impendi velit locis, quos realiter cor-

corporis & Sanguinis sui præsentia sanctificat? quis stabulum Bethlemiticum ingrediens, ipsius loci non summâ veneratione tangeretur? quis factum illud Adriani Imp. prorsus sacrilegum non detestaretur? qui, ut loci hujus Religionem tolleret, in eo statuam Adonidis erexit. Nunc verò in Templis, ubi Deus noster non unō vel alterō die, sed per integra sæcula corporaliter residet, novos Adonides erigunt Christiani toties, quoties Templa in vestitu & gestibus dissoluti, in oculis curiosi, in verbis procaces frequentant. Tales alloquens S. Chrysost. Homil. 24. in Matth. ait: *Quid facis ô homo? mulieris speciem confusus in Ecclesia perscrutaris, nec horrescis: tantâ Dei Templum afficiens contumeliam?* Prostibulum tibi videtur Ecclesia & sorô ignobilior: nam in foro erubescis, etiam times, ne quis te videat, mulierem sectari. In Ecclesia verò Dei, cùm ipse Deus te alloquitur, & ab ipsis deterreat, eō ipsis tempore maximè fornicatione & adulterio uteři &c. Filii Aaronis contra Religionis suæ Jura alienum ignem auſi in Templum deferre, flammis consumpti sunt: quō suppliciō tuifent puniti, si etiam impurum ignem intulissent? & tu amoribus adictè juvenis in ipsum Dei Sacrarium & Sancta Sanctorum non vereris libidinosas inferre faces, & insanæ cupiditatis excitare incendia? ea est Turcarum in suas Moschæas Reverentia, ut nullum in eis patiantur canem: & tu Christiane Deo incarnato appropinques, non tantum instar canis, sed etiam instar sordidissimi porci te habendō; dum immundicias, quas illi è coeno deferunt in corpore, tu à libidine defers in pectore & mente? at demus, te Christiane Lector non horum è numero esse, qui venereis actibus Templa conspurcant; hos tamen inter vix non unus eris, qui in Templo garrire, ridere, dormire præsumunt? Rotgerus Monachus refert de S. Brunone Archiepiscopo Colloniensi, quod Sanctus iste inter suum fratrem Henricum & Cunonem affinem nimiam colloquendi familiaritatem cernens tempore Missarum, præfragò spiritu eis prædixerit: ô! in quantam inimicitiarum amaritudinem ista in hoc tempore tremendo male parta contubernia resolventur! poenam hanc docuit eventus Surio teste i i. Octob. dum Cuno Hungaris se jungens, Henrici & Imperii juratissimus evasit hostis. Non putas forsan: ridentes in Templo puniri? audi, quid memoret Rupertus Abbas Tuitiensis in vita S. Heriberti. Cùm Episcopus Argentoratensis in Missa ad Pax vobis effusus risisset, in prandio cō laterum dolore correptus est, ut intra paucorum dierum spatium mortuus plangeretur, punitus in membro,

G 3

quod

quod sedes risus est. Pro dormientibus in Ecclesia, vindictam Dei pariter non dormire, testatur Surius 17. Febr. Dauferius Diaconus in Templo commorans, cum B. Constabilis Abbatis Cavenis sepulchro innixus, tantisper caperet somnum, apparentem sibi illicò conspicit sanctum, qui afferit: *Quare de sepulchro meo facis grabatum?* Diaconus terrore quidem excitari, sed paulò post sui iterum oblitus, obdormire incepit. At illicò à Beato audiit: *Nonne tibi prohibui, ut de sepulchro meo, non faceres tibi grabatum?* his auditis ocius è somno surgens, brachium suum adeo contractum sensit, ut ejusdem movendi omni careret facultate: facti tamen pœnitens, & supplex sancto factus pro sanctitate, pristinas brachii vires obtinuit. Has pœnas considerans perge nunc garrire, ridere, aut dormire in Templo, si putas, paribüs pœnis te non posse à Deo affici.

## Dòctrina 4.

*Desumpta ex capite 29. lib. Genes. in quo describitur adventus Jacobi ad Laban, servitus, Nuptiae cum Lia & Rachel.*

N.46. Considera: **P**eccatori ad Deum convertendo occurrere Pastores ovium, Presbyteros Ecclesiarum: qui, ut spem venia à Deo obtinendæ ipsi faciant, & sic ad veram pœnitentiam ipsum disponant, monstrant ei speciosam Rachelem, divinam videlicet Misericordiam; quā cum Jacobo conspecta peccator, per sinceram scelerum suorum confessionem amovet à puteo pectoris sui grandem illum taciturnitatis & verecundia lapidem, quō os ejus fuerat à Dæmone clausum. Occurrit ei postea Christus Dominus instar Labani, ad se conversum gratiæ osculō salutans, & cibans suō corpore alloquitur verbis v. 14. hujus cap. à Jacobo auditis: *Os meum, & caro mea &c.* Quod si dein in regendis ovibus suarum passionum fidelem & indefessum reperit servum, promittit, se ei in sponsam daturum pulcherrimam Rachaelim, æternam gloriam, postquam Liam, vitæ activæ figuram, plurium meritorum fecundam matrem in hac mortali vita sibi priùs copulaverit. Dum hic Christiane peccatori suadeo sinceram confessionem, apud Ecclesiarum pastores deponendam, quæres ex me: quas conditiones requirat ritè peragenda confessio? responsurus dico imprimis: Sinceram veramque confessionem talibus terminis instituendam, ut eam

excipi-